



UNIVERSITÄTS-
BIBLIOTHEK
PADERBORN

De Congregationibus Clericorum In Communi Viventium

Le Mire, Aubert

Coloniæ Agrippinæ, 1632

Cap. VIII. Societas Hospitalaria Somaschensis, pro subuentione pauperum orphanorum & mulierum conuertitarum, vt vocant, ab Hieronymo Aemilitano Veneto instituta, per Paulum III. anno 1540. approbatur.

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

Sunt omnes Prouinciæ in vniuersa Societate 36. Viceprouinciæ 2. Domus Professæ 26. Collegia 444. licet non sint adhuc restituta, alterisco notata. Domus Probationis separatae 44. Residentiæ 228. & Seminaria 56. Socij deniq; omnes 15574.

C A P V T VIII.

SOCIETAS HOSPITALARIA, PRO SVB-
uentione pauperum orphanorum & mulierum
conuectitarum, vt vocant, ab Hieronimo Æ-
miliano instituta, per Paulum III. ann. 1540.
approbatum.

PAVLVS Papa III. ad perpetuam rei me-
moriã. Ex iniuncto nobis desuper, me-
ritis licet imparibus, Apostolicæ seruitutis,
officio, votis, per quæ hospitaliũ & aliorum
piorum locorũ utilitas, & salubris directio
procuratur, libenter annuimus; ad illos
quoque dexteram nostram liberalitatis ex-
tendimus, quos ad id propria virtutum
merita multipliciter recommendant.

Sanè pro parte dilectorum filiorum vni-
uersorum pauperum ORPHANORVM S.
MARIÆ MAGDALENÆ, in suburbio S.
Leonardi Bergomensis, & Mediolanensis, Co-
mensis, Ianuensis, Papiensis, Brixienfis, & Vero-
nensis, ciuitatum ac diœcesum, Hospitalium
Recollectorum nuncupatorũ, ac tam ecclesia-
sticarũ, quam secularium personarum in eis

uientium nobis nuper exhibita petitio continebat, quod cum aliàs quondam HIERONYMVS MIANI, ciuis Venetiarum, plures pauperes orphanos, propter bellorum in Italia urgentium tristes euentus, & famem urgentem, passim derelictos vagari videret, idem Hieronymus deuotionis feruore, & pietate motus, prædictum hospitale Sanctæ Mariæ Magdalenaë incohauit, & deinde hospitale prædictam, tam propter ciuium in ciuitate Bergomensis degentium feruentem caritatem, quàm prouidam directionem, & salubre regimen prædicti Hieronymi, in tantum auctore Domino creuit, vt idem Hieronymus, ad alia hospitalia, in alijs Italiaë partibus instituenda animum applicarit.

Ita quod tam in Mediolanensi, quàm Comensi & alijs ciuitatibus, ac diœcesibus prædictis similia, & in quibusdam ex eis *mulierum conuertitarum* hospitalia, dicto Hieronymo, & nonnullis alijs mediantibus, erecta fuerunt. Vnde hospitalia ipsa de bono in melius perducuntur, in dies eorum numerus augetur, & augeri speratur, & sicut eadē expositio subiungebat, si in eisdem hospitalibus, quæ per dictos Clericos, & Laicos insimul gubernari cōsueuerunt, vnus Superior, vel caput, qui inibi pro tempore seruientes cōgregari facere, & de loco
ad lo-

ad locum mutare valeret, existeret, hospitaliaq; ipsa aliquibus prærogatiuis decorarentur, profecto salubri ipsius hospitalis, & illi deseruentium prædictorum directioni, & quieti, plurimum consuleretur, ac in illis degentes pauperes huiusmodi & melius gubernarentur & pertractarentur, diætæque personæ in eo confouerentur, & ad solita seruitia inuitarentur.

Quare pro ipsorum pauperum, & deseruentium personarum parte nobis fuit humiliter supplicatum, vt in præmissis opportunè prouidere, de benignitate Apostolica, dignaremur.

Nos igitur qui caritatis opera vbique exerceri, sinceris desideramus affectibus, quemlibet ex pauperibus personis prædictis, à quibusuis excommunicationis, suspensionis, & interdicti, alijsq; ecclesiasticis sententijs, censuris, & pœnis, à iure vel ab homine, quauis occasione vel causa latis, si quibus quomodolibet innodat⁹ existit, ad effectum præsentium dumtaxat consequendum, harum ferie absoluentes, & absolutum fore cēsentes, huiusmodi supplicationibus inclinati auctoritate Apostolica, tenore præsentium, eisdē Hospitalibus, quod pauperes, & personæ in eis pro tempore degentes, & deseruentes, vnā ex personis inibi deseruentibus huiusmodi, ecclesiasticam

vel secularem, inter eos Superiorem, vel caput, quæ ipsos congregari facere, ac de loco ad locum mutare, & quæcunque statuta, & ordinationes, licita & honesta, ac sacris canonibus non contraria condere, ipsaque statuta, quoties ei videbitur mutare, ac de nouo statuere possit, eligere.

Nec non Sacerdotes eisdem pauperibus pro tempore deseruientes, Horas Canonicas, diurnas pariter & nocturnas, Missas, & alia diuina Officia, secundum ritum & morem & usum S. Romanæ Ecclesiæ, etiam nouissimè editum, dicere & recitare.

Ipsosque pauperes, ac omnes, & singulos, in dictis hospitalibus deseruientes dumtaxat, eorum confessionibus diligenter auditis, ab eorum omnibus & singulis peccatis, casibus, criminibus, excessibus, & delictis, à quibus locorum Ordinarij absoluerunt, absoluerunt, ac pro commissis pœnitentiam salutarem iniungere, liberè, & licitè valeant, perpetuò concedimus, & indulgemus.

Quocirca venerabilibus fratribus nostris *Casertano, Felitensi & Visonensi* Episcopis per Apostolica scripta mandamus, quatenus ipsi, vel duo, aut vnus eorum per se, vel per alium, seu alios, auctoritate nostra, faciant præsentibus litteras, & in eis contenta
quæ

quæcunque, plenum effectum sortiri, ac inuiolabiliter obseruari; illisque pauperes, sacerdotes prædictos, ac omnes, & singulos alios, quos quomodolibet concernunt, pacifice frui, ac gaudere, iuxta præsentium continentiam, & tenorem; nõ permittentes quemquam contra illorum tenorem, modo aliquo molestari, impediri, aut inquietari; contradictores per censuram ecclesiasticam appellatione postposita compescendo.

Non obstantibus Apostolicis, ac in provincialibus, & synodalibus Concilijs editis, generalibus vel specialibus, constitutionibus, & ordinationibus, ac statutis, & consuetudinibus, priuilegijs quoque, indultis, ac litteris Apostolicis, etiam in forma Breuis, per quoscunque Romanos Pontifices prædecessores nostros, & nos, ac sedem prædictam, etiam per viam generalis legis, & statuti perpetui, & iniuncti ac stipulati contractus, ac motu proprio, & ex certa scientia, ac de Apostolicæ potestatis plenitudine, etiam cum quibusuis irritatiuis, annullatiuis, cessatiuis, reuocatiuis, præseruatiuis, exceptiuis, restitutiuis, declaratiuis, ac derogatorijs, ac derogatorijs, alijsque fortioribus, efficacissimis, & insolitis clausulis irritantibus, & alijs decretis, etiam quibusuis locorum Ordina-

E s rijs,

rijs, sub quibusvis verborum formis, extensionibus concessis, confirmatis, & innovatis, quibus (illorum omnium tenores presentibus pro sufficienter expressis habentes) illis aliàs in suo robore remansuris, hac vice dumtaxat, harum serie specialiter & expressè derogamus, contrarijs quibuscunque. Aut si aliquibus communiter vel diuisim ab eadem sit sede indultum, quod interdici, suspendi, vel excommunicari non possint, per litteras Apostolicas, non facientes plenam & expressam, ac de verbo ad verbum de indulto huiusmodi mentionem, & qualibet alia dictæ sedis indulgentia, generali vel speciali, cuiuscunque tenoris existat, per quam presentibus non expressam, vel totaliter non insertam, effectus huiusmodi gratiæ impediri valeat quomodolibet, vel differri, & de qua cuiusque toto tenore habenda sit in nostris litteris mentio specialis.

Nos enim ex nunc irritum decernimus & inane, quidquid fecus super his à quocunque, quavis auctoritate, scienter vel ignoranter contigerit attentari. Nulli ergo, &c.

Datum Romæ apud S. Marcum, anno
1540. Incarnationis Dominicæ 1540. Nonis Iunij, Pontificatus nostri anno sexto.

NO.

NOTATIO.

Vita Hieronymi AEmiliani exstat seorsim edita Italicè: eiusque elogium Lector reperi-
et apud Philippum Ferrarium in Catalogo San-
ctorum Italiae.

Somaschenses porro iuuentutem varijs in locis
docent, vt Casali in Ducatu Montisferrati, &
alibi. Habent item domicilia Auenione, Tolosa,
& Parisijs & alibi in Gallia.

CAPVT IX.

PIVS V. PAPA SOMASCHENSI-
bus dat ecclesiam S. Maioli Papiensis, & tri-
bus votis monasticis ipsos adstringit.

Pivs Papa V. ad perpetuam rei memo-
riam. Iniunctum nobis desuper Apo-
stolicæ seruitutis officium dignè peragere
credimus, si ad ea, per quæ Congregatio-
nes præsertim *Orphanorum* caussa institutæ,
faciliùs stabiliri, & firmiùs conseruari va-
leant, considerationis aciem extendamus.

Sanè exponi nobis nuper fecerunt dile-
cti filij, Sacerdotes Clerici & Laici Con-
gregationis loci de SOMASCHA, Medio-
lanensis diœcesis, dudum canonicè in-
stitutæ, quod aliàs felicitis recordatio-
nis Paulus Papa tertius, prædeces-
sor noster, Congregationi prædictæ,
cuique